

# UUT'T OLDE VODDEN

Eén van de mooiste veùgele  
Deej hier zeet das de spechte,  
tBunt neet alléne zn vleùgele  
Moar ze zek hier wel terechte  
Dat eur kop, boste en stat  
Ok extra mooi is af ezet.  
Ut felle rood, tut wit of mat  
Steet um ok zo bezunder net!  
Vól vogels hebi meerdre kleurn,  
Vake veur de boste'n soort bef,  
Zeej mennekus veral met gurn  
zLoopt áchteróver van de lef!

Moar de spechte vólt ech op,  
Al isse wel een betjen bange,  
Hee hef zon energieke kop  
En een snavel as een stange!  
Dee snavel das zien luste, want  
Door kanne met opn boom  
nóteren  
Daj ut op vriej grote afstand  
Soms nog wel heurt klateren.  
tIs wel bie'n boom doors wat mis,  
Of bie beume dee hunt begreujd,  
nBoom dee nog heelmòol gaaf is  
Dee lótte ongemeujd.

Zon boom woore op hakken zal  
Begint al af te sterven,  
En dee is ok van binnen al  
Een betjen ant bederven.  
Ut hátte van dee boom dat is  
Door al wat ant ve-molmen,  
Hier zegge wie: "tGeet metm mis  
Dén zal ut motten besjolmen!"  
Want al ist noew pas'n begin  
Zukke beume wette wiej van  
Door zit emelten of worme in  
Er dee vret um ál meer an.

De spechte ist trumme te doon

Datte dee worme door venk,  
Zwoar werk, moar wet al zn loon  
Asse zo tegen de boom an henk.  
tSoort worme dee d'boom an vret  
Door isse op ve-kikkerd,  
tBunt enge beesjes, neet vet,  
Moar toch ok een enkle dikkerd.  
Dórm deut hé slim zion beste  
Zal zich hoas int zweet werken  
En hé red ut op ut leste!  
Dat hew vake können merken.

Vesteld zój ok stoan zo'k denke  
Nee, ie snapt tr heel niks van,  
Stéete door noew of henke?  
Hoè hee zich vas hollen kan!  
Asse zo tegen d'stam an steet  
Bunt zn vuutjes as dran eplakt  
tLiekt wel oft is een magneet  
Iej zeet nooit datte iets zakt!  
Dan steete doar te pikken  
Heel moeiluk in ut begin,  
Toch zalle ut um flikken  
In dee boom kump een gat in.

Waj neet drek zQ kónt besef'n  
Isse noew toch ech zó sloom?  
Onder ut hak'n wipte ok effen  
Nò de achterkante van de boom.  
Dan denkiej noew kikke  
Offe dr soms al dwas deur is,  
En dee boom is toch hups dikke  
Noe ist met d'spechte tòch mis!  
Hee zol toch motten wetten  
tGehakke is pas in ut begin,  
Hoèfte dóór neet op te letten  
Dat hef toch gin enkle zin!

Moar hee is ech neet zo sloom  
Datte an dwas deur hahn dech,  
Moar somge worme in dee boom

Dee zeukt nòa een vlucht-weg.  
Want tgek slim gehamer door  
Dat an de veurkante noew is  
Veult ze an as'ngroot gevoar,  
tIs an déé kante wel heel mis.  
De eerder al emaaakte wormgate  
Hebt ze as uutweg enommen,  
Enklen nemt zion gang te bate  
Zoln dr achteran uut kommen.

tPiern-schud'n das ok zo iets,  
Ai worme zeukt veur ut vissen  
Zo ai toch wels deen destieds  
Dan zoj oe ok neet vegissen.  
Stok ie'ngrepe in gròsgrond  
En ging ie door met woepen  
Dan zoln de worme ok testond  
Nò bòven, en druut komn kroepn.  
Ze meenden dat trun weule was,  
Dus deur dat oew wip-vetoon  
Koj zonder moor de minste las  
dWorme in oew pierepòtje doon.

Geet de spechte dus um de boom  
An d'achterkante door kieken  
Das neet um datte is zo sloom,  
Hé venk worme dee woln wicken.  
Is in'nboom dan een gat emaaft  
Dan smitte de molm nòa buten,  
Ut gehakke dat was noe estaakt  
En ginge dr binnenin vruuten.  
Al ut worme-spul ettene op  
En de boom wodn van binnen hol,  
Das veur andre veugle gin strop  
Dee bunt op zon holle boom dol

dSpechte had'nvogelhuus emaaft  
En dat wodn al heel gaw ekraakt!

OME JEHAN